



Broj/ Број : 02/2-50-1-9-22-15/04
Sarajevo/ Сарајево : 31. 08. 2004.

Z A P I S N I K

sa 22. sjednice Komisije za vanjsku i trgovinsku politiku Doma naroda Parlamentarne skupštine BiH održane 27. i 28. 07. 2004. godine

Dvadesetdrugu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali svi članovi Komisije: Hasan Čengić, Anto Spajić, Vinko Radovanović, Osman Brka, Velimir Jukić i Nade Radović, kao i Nevenka Savić, sekretar Komisije.

Komisija je zasjedala dva dana, 27. i 28. jula. Prvog dana zasjedanja, sjednici nije prisustvovao ovlašteni predstavnik predlagača za Prijedlog zakona o Javnom RTV sistemu Bosne i Hercegovine i Prijedlog zakona o Javnom RTV servisu Bosne i Hercegovine, iako je blagovremeno i uredno obavješten. Predsjedavajući je pokušao obezbjediti prisustvo predstavnika predlagača u pauzi sjednice, ali pošto to nije bilo moguće, zakazan je nastavak sjednice za 28. juli.

Prvog dana zasjedanja, sjednici su, u svojstvu predstavnika predlagača, prisustvovali: Halid Genjac, delegat u Domu naroda; Zorislav Zadrić i Hajrudin Podbirčanin iz Ministarstva vanjske trgovine i ekonomskih odnosa; Zdravko Šavija iz Ministarstva komunikacija i transporta; Darija Ramljak iz Direkcije za evropske integracije; Orhan Pašalić i Bojan Zec-Filipović iz Ureda predsjedavajućeg Vijeća ministara BiH i Darija Lebar iz OHR-a. Drugog dana zasjedanja, kada se raspravljalo o pomenutim prijedlozima zakona, sjednici su prisustvovali Branko Dokić, ministar komunikacija i transporta i Zdravko Šavija, savjetnik.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio Dnevni red:

DNEVNI RED

1. Usvajanje Zapisnika sa 21. sjednice Komisije;
2. Prijedlog zakona o Agenciji za unapređenje inostranih investicija u Bosni i Hercegovini – predlagač Vijeće ministara BiH;

3. Prijedlog zakona o Javnom RTV sistemu Bosne i Hercegovine – predlagač Vijeće ministara BiH;
4. Prijedlog zakona o Javnom RTV servisu – predlagač Vijeće ministara BiH;
5. Prijedlog zakona o izmjenama i dopunama Zakona o zaštiti potrošača u Bosni i Hercegovini – predlagač Vijeće ministara BiH;
6. Prijedlog zakona o izmjenama Zakona o carinskoj politici Bosne i Hercegovine – predlagač Vijeće ministara BiH;
7. Izvještaj o aktivnostima Doma naroda u vezi sa implementacijom obaveza Bosne i Hercegovine iz Studije izvodljivosti, radi otpočinjanja pregovora o Sporazumu o stabilizaciji i pridruživanju sa Evropskom unijom;
8. Prijedlog kriterija za formiranje grupa za prijateljstvo;
9. Tekuća pitanja.

Dnevni red je jednoglasno usvojen.

Ad. 1. Usvajanje Zapisnika sa 21. sjednice Komisije

Zapisnik sa 21. sjednice Komisije je jednoglasno usvojen.

Ad. 2. Prijedlog zakona o Agenciji za unapređenje inostranih investicija u Bosni i Hercegovini – predlagač Vijeće ministara BiH

Komisija za vanjsku i trgovinsku politiku, kao nadležna komisija, razmatrala je ovaj Prijedlog zakona u osnovnom zakonodavnom postupku komisijske faze, u skladu sa članom 79. stav 2. Poslovnika Doma naroda.

G. Zadrić, u svojstvu predstavnika predlagača, govorio je o značaju donošenja ovog Zakona koji bi trebao unaprijediti uvjete za investiranje u Bosni i Hercegovini, te jasno definirati nadležnost, organizaciju i ulogu Agencije.

Komisija je jednoglasno podržala principe zakona. Delegat Vinko Radovanović uložio je 4 amandmana na Prijedlog zakona, od čega su 3 usvojena.

Članovi Komisije su usvojili sljedeće amandmane koji su postali sastavni dio teksta zakona:

Amandman 1.

Član 7. mijenja se i glasi:

1. Direktora, zamjenika direktora i sekretara Agencije imenuje Vijeće ministara BiH na prijedlog predsjedavajućeg Vijeća ministara BiH.
2. Direktora, zamjenika direktora i sekretara imenuje Vijeće ministara BiH na period od četiri godine s tim da na istu funkciju mogu biti imenovani još jedan mandat.

Amandman 2.

Član 9. mijenja se i glasi:

1. Upravni odbor Agencije sastoji se od devet članova.
2. Članovi Upravnog odbora imenuju se na period od dvije godine.
3. Imenovanje članova Upravnog odbora, vrši se kako slijedi:
 - a) dva člana imenuje Vijeće ministara BiH;
 - b) po jednog člana imenuje Vlada Federacije BiH i Vlada Republike Srpske;
 - c) jednog člana imenuje Vanjskotrgovinska komora BiH;
 - d) dva člana predstavljaju poslovnu zajednicu u Bosni i Hercegovini, na način da po jednog člana imenuje Asocijacija poslodavaca u Federaciji BiH i Savez poslodavaca Republike Srpske;
 - e) dva člana predstavljaju zajednicu stranih investitora u Bosni i Hercegovini, a imenuju se od Udruženja stranih investitora u Bosni i Hercegovini.

Amandman 3.

U članu 18. dodaje se stav 2. koji glasi: "Period od osnivanja agencije Odlukom iz člana 17. će biti uzet u obzir prilikom primjene člana 7. stav 2.

Komisija je konstatirala da u tekstu postoje **pravno-tehničke nepreciznosti** u članovima 6., 15. i 18., koje moraju biti ipravljene, kako slijedi:

- **u članu 6. stava 1.** na kraju rečenice riječi: «u skladu sa zakonom» brišu se, jer se ponavljaju;
- **u članu 15.** tekst u zagradi: («Službeni glasnik BiH», broj 5/03) nepotrebno je navoditi, iz razloga što je Zakon o izvršenju budžeta institucija BiH i međunarodnih obaveza BiH važio za fiskalnu 2003. godinu;
- **u članu 18.** riječi: «iz člana 17.» mijenjaju se riječima: «navedene u članu 17. ovog zakona».

Komisija je jednoglasno prihvatila tekst Prijedloga zakona sa usvojenim amandmanima, uz konstataciju da je zakon neophodno donijeti, te ga uputila u dalju parlamentarnu proceduru prema Domu naroda u skladu sa poslovničkim odredbama.

Ad. 3. Prijedlog zakona o Javnom RTV sistemu Bosne i Hercegovine – predlagač Vijeće ministara BiH

Komisija za vanjsku i trgovinsku politiku, kao nadležna komisija, razmatrala je ovaj Prijedlog zakona u osnovnom zakonodavnom postupku komisijske faze, u skladu sa članom 79. stav 2. Poslovnika Doma naroda.

Uvodno izlaganje o Prijedlogu zakona iznio je, u svojstvu predstavnika predlagača, ministar komunikacija i transporta g. Branko Dokić. On je istakao da je ponuđeni Prijedlog rezultat kompromisa koji je postignut u okviru radne grupe koja je pripremala ponuđeni tekst. U diskusiji o principima zakona učestvovali su svi članovi Komisije.

Komisija je:

1. jednoglasno podržala principe zakona.
2. konstatirala da su amandmane na Prijedlog zakona uložili delegati: Halid Genjac – 28 amandmana na članove: 2., 3., 4., 6., 7., 8., 9., 10., 11., 12., 13., 14., 15., 16., 18., 19., 21., 22., 23., 26., 28., 29., 31., 37., 42., 43.; Velimir Jukić i Anto Spajić – 3 amandmana na članove: 9., 22. i 23. i Osman Brka – 3 amandmana na članove: 23., 28. i 29.

Članovi Komisije su usvojili sljedeće amandmane koji su postali sastavni dio teksta zakona:

Amandman I

U članu 2. Prijedloga zakona u definiciji "Javni RTV servis" iza riječi "usluge" ostatak teksta mijenja se i glasi: "radio, televizijskog i multimedijalnog programa, namijenjenog emitiranju za javnost;"

Na kraju člana 2. dodaje se nova definicija, koja glasi: "Neto prihod od marketing oglašavanja" znači ukupan prihod ostvaren po osnovu prodaje radio, televizijskog ili multimedijalnog marketing oglašavanja, neto od dogovorene provizije koju uzima organizacija koja vrši prodaju marketing oglašavanja."

Amandman II

U članu 3. Prijedloga zakona:

U stavu (1) tačke a), b), c) i d) mijenjaju se i glase:

- a) Radio-televizija Bosne i Hercegovine (u daljem tekstu: BHRT) kao javni RTV servis Bosne i Hercegovine;
- b) Radio-televizija Federacije Bosne i Hercegovine (u daljem tekstu: RTFBiH) kao javni RTV servis Federacije Bosne i Hercegovine;
- c) Radio-televizija Republike Srpske (u daljem tekstu: RTRS) kao javni servis Republike Srpske;
- d) Korporacija javnih RTV servisa Bosne i Hercegovine.

U istom članu u stavu (2) Prijedloga zakona riječi "BHRT, RTRS i RTVFBiH zamjenjuju se riječima: "BHRT, RTFBiH i RTRS."

Amandman III

U članu 4. Prijedloga zakona i svim ostalim članovima riječi "javni servis" u odgovarajućem padežu zamjenjuju se riječima "javni RTV servis" u odgovarajućem padežu.

U istom članu u tački i) ispred riječi "servisa dodaju se riječi "javnih RTV".

Amandman IV

U članu 6. Prijedloga zakona podnaslov " **Odnosi između javnih servisa**" zamjenjuje se podnaslovom " **Odnosi unutar javnog radio televizijskog sistema**"

.U članu 6. stav (2) riječi "Zajednički pravni subjekt" zamjenjuju se riječju "Korporacija javnih RTV servisa BiH".

U članu 6. stav (3) riječi "Zajednički pravni subjekt" zamjenjuju se riječju "Korporacija javnih RTV servisa BiH".

U članu 6. Prijedloga zakona stav (3):

Tačka d) mijenja se i glasi: "Promovira i koordinira tehnički razvoj i uvođenje novih tehnologija".

U tački h) iza riječi "komunikacije" dodaje se tekst "i razvija komunikacijsku strategiju".

Tačka i) mijenja se i glasi: "Nabavlja strane programe";

Tačka j) mijenja se i glasi: "Vrši međunarodne veze";

Tačka k) mijenja se i glasi: "Pružna administrativnu i drugu pomoć upravnim tijelima";

Tačka l) mijenja se i glasi: "naručuje ispitivanje javnog mijenja i medijskog tržišta";

Tačka m) mijenja se i glasi: "Prodaje televizijske, radio i multimedijalne marketinške usluge";

Tačka n) mijenja se i glasi: "Koordinira resursima za prikupljanje sadržaja za informativne emisije uključujući regionalne informativno-tehničke centre.";

Tačka o) mijenja se i glasi: "Koordinira politiku i strategiju upravljanja ljudskim resursima javnih RTV servisa";

Tačka p) mijenja se i glasi: "Koordinira poslovne i razvojne planove, finasijsko poslovanje i postupak unutarnje revizije" ;

Iza tačke p) dodaju se nove tačke r) i s) koje glase:

Tačka r): "Omogućava zajedničku godišnju finasijsku reviziju";

Tačka s): "Pružna usluge prijenosa za javne RTV servise".

Amandman V

Član 7. Prijedloga zakona mijenja se i glasi:

"(1) Ovim zakonom uspostavlja se Odbor JRTS Bosne i Hercegovine (u daljem tekstu: Odbor Sistema). Radi racionalnijeg i efikasnijeg funkcioniranja JRTS Bosne i Hercegovine Odbor Sistema podstiče i usmjerava izvršenje obaveza iz člana 6. ovog zakona putem Korporacije javnih RTV servisa BiH.

(2) Odbor sistema sastoji se od 12 članova. Odbor sistema sačinjavaju svi članovi upravnih odbora javnih RTV servisa (po 4 člana iz svakog javnog RTV servisa), po službenoj dužnosti.

(3) Odborom Sistema predsjedava predsjedavajući Upravnog odbora BHRT-a.

(4) Javni RTV servisi će podjednako osigurati sredstva za finansiranje rada Odbora Sistema".

Amandman VI

U članu 8. Prijedloga zakona u stavu (1) riječ "Sistema" na kraju rečenice zamjenjuje se riječima "JRTS Bosne i Hercegovine".

U istom članu prva rečenica stava (2) mijenja se i glasi: "Odbor Sistema ima ulogu nadzornog tijela Korporacije javnih RTV servisa BiH i, između ostalog, ima sljedeće nadležnosti i dužnosti u pogledu Korporacije javnih RTV servisa BiH:".

U stavu (2) istog člana tačke e) mijenja se i glasi : "Osigurava izvršenje važećih uvjeta dozvole koju je izdala Regulatorna agencija za komunikacije Bosne i Hercegovine (u daljem tekstu: Regulatorna agencija)".

Stav (3) člana 8. mijenja se i glasi:

"Odbor Sistema može punovažno odlučivati ako je sjednici prisutno najmanje 7 članova (kvorum). Odbor sistema odluke donosi većinom glasova prisutnih članova. U slučaju istog broja glasova kod odlučivanja, odlučujući glas je glas predsjedavajućeg Odbora Sistema."

Amandman VII

U članu 9. rečenica prva se mijenja i glasi:

"Regulatorna agencija za komunikacije BiH, dodijeliti će frekvencije za cijeli teritorij Bosne i Hercegovine i za područja entiteta RTV servisima, potrebne za implementaciju ovog zakona po cijenama koje utvrdi Agencija."

U istom članu skraćena "RTVFBiH zamjenjuje se skraćenicom "RTFBiH"

U četvrtom redu člana 9. Prijedloga zakona riječ "Agencija" zamjenjuje se riječima "Regulatorna agencija".

Amandman VIII

U članu 10. Prijedloga zakona stav (1) mijenja se i glasi: "Regulatorna agencija će izdati dozvolu, kojom će omogućiti javnim radio televizijskim servisima da djeluju u skladu sa ovim zakonom. Javni RTV servisi neće otpočeti sa radom prije nego što im Regulatorna agencija izda dozvolu."

U stavu (4) u tački a) riječ "teritoriji" zamjenjuje se riječju "području". Ostatak teksta ostaje nepromijenjen.

Amandman IX

U članu 11. Prijedloga zakona dodaje se novi stav (2) koji glasi: "Bez obzira na metod prijenosa programa, javni RTV servisi moraju osigurati da njihove radio i televizijske usluge budu dostupne auditoriju na njihovom području, kao što je navedeno u dozvoli sistema i u članu 9. ovog zakona."

Amandman X

U članu 12. Prijedloga zakona:

Stav (1) mijenja se i glasi: "Korporacija javnih RTV servisa Bosne i Hercegovine (u daljem tekstu: Korporacija) je zajednička upravljačka struktura između javnih RTV servisa sa jednakim pravima i obavezama prema sva tri javna RTV servisa (BHRT, RTFBiH i RTRS)."

Stav (2) mijenja se i glasi: "Tri javna RTV servisa ovim zakonom uspostavljaju Korporaciju".

Amandman XI

U članu 13. Prijedloga zakona:

Stav 4. člana 13. Prijedloga zakona mijenja se i glasi: "Organi Korporacije su Poslovodni odbor i Upravni odbor."

Stav 5. člana 13. Prijedloga zakona mijenja se i glasi: "Odbor Sistema istovremeno je i Upravni odbor Korporacije."

Stav 6. člana 13. Prijedloga zakona mijenja se i glasi: "Radom Korporacije rukovodi generalni direktor i direktori sektora Korporacije. Generalni direktor i direktori sektora Korporacije zajedno čine Poslovodni odbor Korporacije."

Amandman XII

U članu 14. Prijedloga zakona stav (1) mijenja se i glasi: "Troškove Korporacije kao pravnog subjekta podmiruju javni RTV servisi, na osnovu korištenja, definiranog ugovorom. Korporacija može ostvariti dodatni prihod i iz drugih izvora, kao što su efikasno korištenje emisione infrastrukture i njeno komercijalno iznajmljivanje, u skladu sa Statutom Korporacije."

Stav 2. se briše.

Amandman XIII

Iza člana 14. Prijedloga zakona dodaje se novi član 14.(a), koji glasi:

"Odgovornost za finansiranje Korporacije"

(1) Generalni direktor Korporacije priprema finansijski plan za narednu godinu koji dostavlja Upravnom odboru sistema najkasnije do 1. novembra tekuće godine.

(2) Generalni direktor Korporacije dostavlja izvještaj o poslovanju za prethodnu godinu Upravnom odboru Sistema najkasnije do 28. februara svake godine.

(3) U svakoj finansijskoj godini, Korporacija mora osigurati da su ukupni rashodi pokriveni ukupnim prihodima."

Amandman XIV

U članu 15. Prijedloga zakona u stavu (1):

U tački c) riječi "nadzornog tijela Korporacije" zamjenjuju se riječima "Odbora Sistema";

U tački f) riječ "sporazumom" zamjenjuje se riječju "Statutom";

Tačka j) mijenja se i glasi: "Odgovara za ispunjenje važećih uvjeta dozvole";

Tačka l) mijenja se i glasi: "Generalnog direktora Korporacije imenuje Korporacija na osnovu javnog natječaja na način predviđen članom 8. ovog zakona";

Tačka o) Predsjednik odbora Sistema i direktor Korporacije nisu iz istog konstitutivnog naroda.

U sadašnjoj tački p) koja postaje tačka o) riječ "izraditi" zamjenjuje se riječju "utvrditi". Ostatak teksta ostaje nepromijenjen, izuzev što se na kraju teksta znak ";" zamjenjuje tačkom.

Amandman XV

Član 16. Prijedloga zakona mijenja se i glasi: "Javni RTV servisi dužni su poštovati pravila i propise Regulatorne agencije ukoliko nisu u suprotnosti sa ovim zakonom. Javni RTV servisi podliježu svim postojećim sankcijama za neispunjavanje pravila i propisa Regulatorne agencije, osim suspenzije i gašenja.

Regulatorna agencija od javnih RTV servisa naplaćuje odgovarajuće administrativne naknade na ime troškova izdavanja dozvola, u skladu sa važećim propisima."

Amandman XVI

U članu 18. Prijedloga zakona u stavu (4) skraćenica "RTVFBiH" zamjenjuje se skraćenicom "RTFBiH".

Amandman XVII

U članu 19. Prijedloga zakona u stavu (3) riječi "pravna djelovanja" na kraju stava zamjenjuju se riječima "pravno dejstvo".

Amandman XVIII

U članu 21. Prijedloga zakona stav (4) briše se.

Amandman XIX

U članu 22. (1) i (2)

umjesto riječi "Predstavničkom vijeću Parlamentarne skupštine BiH" odnosno "Predstavničko vijeće Parlamenta BiH" treba "Parlamentarnoj skupštini Bosne i Hercegovine", odnosno "Parlamentarna skupština BiH".

Amandman XX

U članu 23. Prijedloga zakona u stavu (1) riječi "na teritoriji entiteta i" zamjenjuju se riječima: "na području entiteta i".

U istom članu u stavu (2) riječi "gore navedeni račun" zamjenjuju se riječju "jedinствeni račun".

U članu 23. Prijedloga zakona stavovi (4), (5), (6), (8) i (9) mijenjaju se i glase:

Stav (4) "RTFBiH-u pripada 25 procenata (25%) ukupnog neto prihoda od marketing oglašavanja i 25 procenata (25%) od ukupnog iznosa RTV takse naplaćene na teritoriji Bosne i Hercegovine."

Stav (5): "RTRS-u pripada 25 procenata (25%) ukupnog neto prihoda od marketing oglašavanja i 25 procenata (25%) od ukupnog iznosa RTV takse naplaćene na teritoriji Bosne i Hercegovine ."

Stav (6): "BHRT-u pripada pedeset procenata (50%) ukupnog neto prihoda od marketing oglašavanja i pedeset procenata (50%) od ukupne RTV takse naplaćene na teritoriji Bosne i Hercegovine."

Stav (8): "Organizacije koje naplaćuju RTV taksu i vrše prodaju marketing oglašavanja u ime javnih RTV servisa dužne su uplatiti naplaćeni iznos RTV takse i neto prihoda od marketing oglašavanja na jedinstven račun bez odlaganja."

Amandman XXI

U članu 26. Prijedloga zakona u stavu (1) riječ "CRA" zamjenjuje se riječju "Regulatorna agencija"

U stavu (2) na kraju rečenice riječi "obrazovanje i zabavu" zamjenjuju se riječima "obrazovanje, sport i zabavu".

U stavu 5. iza riječi parlamenata stavlja se tačka. Riječi u nastavku teksta: "odnosno da na drugi" zamjenjuju se riječima "Javni RTV servisi imaju obavezu da na".

Iza stava (6) dodaje se novi stav (7) koji glasi: "Jednom godišnje javni RTV servisi će Parlamentarnoj skupštini Bosne i Hercegovine, Parlamentu Federacije Bosne i Hercegovine, odnosno Narodnoj skupštini Republike Srpske dostaviti izvještaj o svojim aktivnostima, uključujući i finansijski izvještaj zajedno sa izvještajem o reviziji finansijskog poslovanja."

Amandman XXII

U članu 28. tačka f) Prijedloga zakona, iza riječi: "biti" dodaje se riječ "emitiran", a ostatak rečenice se briše.

Amandman XXIII

U članu 29. Prijedloga zakona , stav 1. riječ: "glavnina" zamijeniti sa riječima: "odgovarajući dio", a poslije riječi: "evropske programe" dodati riječi: "u odnosu na ukupan strani program, ne računajući strane sportske programe."

Amandman XXIV

U članu 31. Prijedloga zakona u stavu (1) riječi "Regulativne agencije" zamjenjuju se riječima: "Vijeća Regulatorne agencije, u skladu sa članom 12. Evropske konvencije o prekograničnoj televiziji (ETS) 132 i članom 18. Direktive o Televiziji bez granice.

Amandman XXV

U članu 37. Prijedloga zakona u stavu (9) na kraju teksta riječi "Zakona o kleveti" zamjenjuju se riječima "zakonima o zaštiti od klevete".

Amandman XXVI

U članu 42. Prijedloga zakona:

Stav (1) mijenja se i glasi: "Konstituirajuća sjednica Odbora Sistema biće sazvana u roku od 15 dana od imenovanja dovoljno članova upravnih odbora javnih RTV servisa kako bi se formirao kvorum za Odbor Sistema."

U stavu (2) riječi "zajedničkog pravnog subjekta - " brišu se.

U članu 42. Prijedloga zakona dodaju se novi stavovi (5), (6), (7) i (8), koji glase:

Stav (5): "Telekom operateri će pri prikupljanju RTV takse uložiti iste napore kao pri naplaćivanju vlastitih potraživanja."

Stav (6) "Po uspostavljanju Korporacije, sva radna mjesta će biti otvorena i bit će popunjena putem pravičnog i transparentnog procesa upošljavanja putem internog oglasa u sva tri javna RTV servisa, koji će uključiti samo trenutno zaposlene u JSBiH, RTFBiH i RTRS.

Svi kandidati odabrani za nove pozicije moraju ispunjavati uvjete iz opisa radnih mjesta koji čine dio Plana restrukturiranja za Javni RTV sistem u Bosni i Hercegovini, koji je Upravni odbor Javnog RTV sistema usvojio 29. aprila 2004. godine.

Za sva radna mjesta koja ostanu nepopunjena nakon ovog procesa raspisat će se eksterni konkursi.

Na pravni položaj zaposlenih u Korporaciji, uvjete za zaključenje ugovora o radu, plaće i druga pitanja, primjenjuju se opći propisi o radu i Statut."

Stav (7) "Tokom trajanja prve dozvole Regulatorne agencije, javni RTV servisi i Korporacija moraju izmiriti sve dospjele obaveze, uključujući neisplaćene plaće, poreze, doprinose u vezi sa zaposlenjem, sve dospjele obaveze po osnovu komercijalnih i drugih zajmova i neosporene obaveze prema dobavljačima."

Stav (8) "Formula za distribuciju prihoda od marketing oglasa i RTV takse, precizirana članom 23. ovog zakona, počinje se primjenjivati prvog dana mjeseca koji nastupa nakon stupanja na snagu ovog zakona."

Amandman XXVII

Iza člana 42. Prijedloga zakona dodaje se novi član 43. koji glasi:

Kaznene odredbe

(1) Fizičkoj osobi koja ne ispuni obaveze propisane stavovima (1) i (2) člana 21. ovog zakona ili koja da lažnu izjavu, koristeći se pravom iz člana 19. stava (2) ovog zakona, biće za prekršaj izrečena novčana kazna u iznosu od 100 do 300 KM.

(2) Pravnoj osobi koja ne ispuni obaveze propisane stavovima (1) i (2) člana 21. ovog zakona ili koja da lažnu izjavu, koristeći se pravom iz člana 19. stav (2) ovog zakona, biće za prekršaj izrečena novčana kazna u iznosu od 1.000 do 3.000 KM, a odgovornoj osobi u toj pravnoj osobi novčana kazna u iznosu od 200 do 500 KM.

(3) Fizičkoj osobi koja ne ispuni obavezu plaćanja navedenu u članu 20. stav 1. ovog zakona, biće, u prekršajnom postupku, izrečena novčana kazna u iznosu od 100 do 300 KM.

(4) Pravnoj osobi koja ne ispuni obavezu plaćanja navedenu u članu 20. stav 2. ovog zakona biće, u prekršajnom postupku izrečena novčana kazna u iznosu od 1.000 do 3.000 KM, a odgovornoj osobi u toj pravnoj osobi novčana kazna u iznosu od 200 do 5000 KM."

Amandman XXVIII

Sadašnji član 43. postaje član 45.

3. Komisija je konstatala da u tekstu postoje **pravno-tehničke nepreciznosti** koje moraju biti ispravljene, kako slijedi:
- U preambuli, na kraju drugog reda riječ «na» između veznika «i» i riječi «sjednici» briše se.
 - U članu 1. stav 2. riječi «Javnog radio-televizijskog sistema» zamjenjuju se riječima «JRTS».
 - Na svim mjestima u Prijedlogu zakona u verziji na bosanskom jeziku riječi «pravno ili fizičko lice» u odgovarajućem padežu zamjenjuju se riječima «pravna ili fizička osoba».
 - Regulativnu agenciju za komunikacije Bosne i Hercegovine od člana 9. do kraja teksta prijedloga zakona imenovati riječima: Regulatorna agencija.
 - U članu 10. Prijedloga zakona stavu (2) iza riječi «članom 9» dodati riječi «ovog zakona». Isti princip primjenjivati u ostatku zakona gdje iza broja člana nedostaju riječi «ovog zakona».

Komisija je jednoglasno usvojila tekst Prijedloga zakona sa usvojenim amandmanima, koji su postali sastavni dio teksta zakona, te ga uputila u dalju parlamentarnu proceduru prema Domu naroda u skladu sa poslovnim odredbama.

Tekst svih uloženi amandmana na ovaj Prijedlog zakona čini sastavni dio ovog Zapisnika.

Ad. 4. Prijedlog zakona o Javnom RTV servisu – predlagatelj Vijeće ministara BiH

Komisija za vanjsku i trgovinsku politiku, kao nadležna komisija, razmatrala je ovaj Prijedlog zakona u osnovnom zakonodavnom postupku komisijske faze, u skladu sa članom 79. stav 2. Poslovnika Doma naroda.

Uvodno izlaganje o Prijedlogu zakona iznio je, u svojstvu predstavnika predlagatelja, ministar komunikacija i transporta g. Branko Dokić. Nakon sprovedene opće rasprave i rasprave o pojedinostima Komisija je:

1. većinom glasova podržala principe zakona.
2. konstatala da su amandmane na Prijedlog zakona uložili delegati: Halid Genjac – 15 amandmana na članove: 2., 4., 7., 10., 14., 15., 19., 20., 21., 23., 26., 28., 29., 35. i 36.; Velimir Jukić i Anto Spajić – 3 amandmana na članove: 9., 26. i 36; Osman Brka – 2 amandmana na članove 22. i 25. i Nade Radović – 1 amandman na član 8.

Članovi Komisije su usvojili sljedeće amandmane koji su postali sastavni dio teksta zakona:

Amandman I

Član 4. Prijedloga zakona mijenja se i glasi:

"(1) naziv javnog preduzeća je: Radio televizija Bosne i Hercegovine.

(2) Skraćeni naziv Radio televizije Bosne i Hercegovine je BHRT.

(3) Nazivi javnog preduzeća BHRT i javnog RTV sistema JRTS BiH moraju se istaknuti na zgradi u kojoj je sjedište BHRT, napisani na jezicima u službenoj upotrebi u Bosni i Hercegovini, latinicom i ćirilicom."

Amandman II

U članu 7. prijedloga zakona u stavu (1):

Tačka e) mijenja se i glasi: "vršenje istraživanja javnog mnijenja, marketinške usluge i usluge oglašavanja;"

U tački c) stava (2) člana 7. riječi "RTV servisima" zamjenjuju se tekstem: "radio televizijskim agencijama i producentima programa."

Amandman III

U članu 8. dodaje se novi stav 2. koji glasi: "Programi će biti prilagođeni potrebama konstitutivnih naroda i građana BiH, uređivan i emitovan ravnopravno na tri službena jezika i dva pisma."

Amandman IV

U članu 10. Prijedloga zakona poslije stava (2) dodaje se novi stav (3) koji glasi: "BHRT će uložiti sve napore da stekne ekskluzivna prava na sve važne događaje, kako su definirani i pobrojani u stavu (2) ovog člana."

Amandman V

U članu 14. Prijedloga zakona riječi "BHRT i" na početku teksta brišu se. Ostatak teksta ostaje nepromijenjen.

Amandman VI

U članu 15. Prijedloga zakona stavovi (2), (3) i (4) mijenjaju se i glase:

Stav (2): "BHRT ima sva prava i na novo intelektualno vlasništvo koje BHRT doda u svoj arhiv."

Stav (3): "Drugi javni RTV servisi imaju pristup arhivskoj građi BHRT i obrnuto."

Stav (4): "korporacija rukovodi postupkom čuvanja, obrade i korištenja arhivske građe u skladu sa važećim zakonima i ugovor o upravljanju zaključuje se između BHRT i Korporacije."

Amandman VII

U članu 19. Prijedloga zakona u stavu (2) na početku teksta riječi "BHRT i" brišu se. Ostatak teksta ostaje nepromijenjen.

Amandman VIII

U članu 20. Prijedloga zakona u stavu (2) riječi "iznajmljivanje prostora i opreme" brišu se.

Amandman IX

U članu 21. Prijedloga zakona podnaslov "Odlučivanje o finansijskom rezultatu" zamjenjuje se podnaslovom "Odgovornost za finansiranje".

Stav (3) člana 21. mijenja se i glasi: "U svakoj finansijskoj godini BHRT mora osigurati da su njegovi ukupni rashodi pokriveni njegovim ukupnim prihodima."

Amandman X

Član 22. mijenja se i glasi:

Revizija će se vršiti u skladu sa metodologijom i pod nadzorom koje odredi Ured za reviziju nadležnih državnih institucija Bosne i Hercegovine, Federacije BiH i Republike Srpske.

Koordinirajući odbor Ureda za reviziju institucija će usaglasiti metodologiju i način nadzora nad nezavisnom revizijom.

Amandman XI

U članu 23. Prijedloga zakona u stavu (1) tačka b) mijenja se i glasi: "Poslovodni odbor".

U istom članu iza stava (1) dodaje se novi stav (2) koji glasi: "Radom BHRT-a rukovodi Poslovodni odbor, koji čine generalni direktor i rukovodioci sektora BHRT-a".

Sadašnji stav (2) postaje stav (3).

Amandman XII

U članu 26. (1), (3) i (4):

umjesto riječi : "Predstavničko vijeće Parlamenta Bosne i Hercegovine" treba: "Parlamentarna skupština Bosne i Hercegovine."

U članu 26. (1) posljednju rečenicu:

" U slučaju da Predstavničko vijeće parlamenta BiH ne donese odluku u utvrđenom roku, aktuelni Upravni odbor vrši izbor i imenovanje novog Upravnog odbora na temelju rangirane liste kandidata koji su ušli u uži izbor." - brisati.

Amandman XIII

Član 28. Prijedloga zakona mijenja se i glasi: "Članovi Upravnog odbora imaju obavezu najmanje 5 (pet) dana u mjesecu raditi u Upravnom odboru i za svoj rad imaju pravo na naknadu u iznosu od 3 minimalne plaće u entitetu iz kojeg dolaze, kao i naknadu razumnih putnih i materijalnih troškova u skladu sa važećim aktima BHRT-a".

Amandman XIV

U članu 29. Prijedloga zakona tačka f) mijenja se i glasi: "usvaja programske planove za radio i televiziju".

Amandman XV

U članu 35. Prijedloga zakona u stavu (1) prva rečenica se mijenja i glasi: "Do uspostavljanja televizijskog servisa na nivou Bosne i Hercegovine koji će vršiti prijenos na vlastitoj frekvenciji, BHRT će emtirati: "

U istom stavu na kraju alineje b) iza riječi "događaje" dodaju se riječi "kad god je to moguće".

Amandman XVI

U členu 36.:

umjesto riječi : "Predstavničko vijeće Parlamenta Bosne i Hercegovine" treba: "Parlamentarna skupština Bosne i Hercegovine."

U istom členu u stavu (4) na kraju tačke d) iza riječi "godinu" dodaje se tekst "izabran iz reda članova postojećeg Upravnog odbora javnog servisa BiH."

Komisija je većinom glasova prihvatila tekst Prijedloga zakona sa usvojenim amandmanima, koji su postali sastavni dio teksta zakona, te ga uputila u dalju parlamentarnu proceduru prema Domu naroda u skladu sa poslovničkim odredbama. Protiv ovakvog teksta Zakona glasali su g. Velimir Jukić i g. Anto Spajić.

Tekst svih uloženi amandmana na ovaj Prijedlog zakona čini sastavni dio ovog Zapisnika.

Ad. 5. Prijedlog zakona o izmjenama i dopunama Zakona o zaštiti potrošača u Bosni i Hercegovini – predlagač Vijeće ministara BiH

Komisija za vanjsku i trgovinsku politiku, kao nadležna komisija, razmatrala je ovaj Prijedlog zakona u osnovnom zakonodavnom postupku komisijske faze, u skladu sa članom 79. stav 2. Poslovnika Doma naroda.

U svojstvu predstavnika predlagača, o Prijedlogu zakona govorio je Hajrudin Podbirčanin. On je istakao da su razlozi za donošenje zakona sadržani u činjenici da važećem Zakonu nedostaju odredbe u dva ključna područja: garancija za robe i usluge i garancija o ispunjavanju zdravstvenih uvjeta za namirnice.

Komisija je jednoglasno podržala principe zakona. Amandmana na Prijedlog zakona nije bilo. Komisija je jednoglasno prihvatila Prijedlog zakona i kao takvog ga uputila u dalju parlamentarnu proceduru prema Domu naroda u skladu sa poslovničkim odredbama.

Ad. 6. Prijedlog zakona o izmjenama Zakona o carinskoj politici Bosne i Hercegovine – predlagač Vijeće ministara BiH

Komisija za vanjsku i trgovinsku politiku, kao nadležna komisija, razmatrala je ovaj Prijedlog zakona u osnovnom zakonodavnom postupku komisijske faze, u skladu sa članom 79. stav 2. Poslovnika Doma naroda.

U svojstvu predstavnika predlagača, o izmjenama Zakona govorio je Hajrudin Podbirčanin. U diskusiji su učestvovali članovi Komisije Osman Brka, Velimir Jukić, Vinko Radovanović i Hasan Čengić.

Komisija je jednoglasno podržala principe zakona. Amandmana na Prijedlog zakona nije bilo. Komisija je jednoglasno prihvatila Prijedlog zakona i kao takvog ga uputila u dalju parlamentarnu proceduru prema Domu naroda u skladu sa poslovničkim odredbama, uz zaključak da se od predlagača zatraži da do sjednice Doma naroda na kojoj će se razmatrati Prijedlog zakona dostavi u pismenoj formi pravno tumačenje teksta Prijedloga zakona sa elementima kriterija i sadržajem odluke iz člana 1. stav 6 ovog zakona.

Ad. 7. Izvještaj o aktivnostima Doma naroda u vezi sa implementacijom obaveza Bosne i Hercegovine iz Studije izvodljivosti, radi otpočinjanja pregovora o Sporazumu o stabilizaciji i pridruživanju sa Evropskom unijom

Predstavnik Direkcije za evropske integracije, institucije nadležne za praćenje napretka Bosne i Hercegovine u procesu približavanja Evropskoj uniji, Darija Ramljak, govorila je o ispunjenju obaveza i njihovoj implementaciji.

Predsjedavajući Komisije je informirao članove Komisije o aktivnostima preduzetim na pripremi materijala koji će biti upućeni Domu naroda na razmatranje i usvajanje, a koje je Kolegij Doma naroda zatražio od predsjedavajućeg da pripremi. U tom smislu pripremljeno je pet materijala koji se upućuju Domu Naroda:

- Zaključci u vezi sa tačkom Dnevnog reda 27. sjednice Doma naroda: «Informacija u vezi implementacije obaveza Bosne i Hercegovine iz Studije izvodljivosti radi otpočinjanja pregovora o Sporazumu o stabilizaciji i pridruživanju sa Evropskom unijom»;
- Izjava o ispunjavanju obaveza Bosne i Hercegovine iz Studije izvodljivosti, radi otpočinjanja pregovora o Sporazumu o stabilizaciji i pridruživanju sa Evropskom unijom;
- Prijedlog programa usvajanja zakona predviđenih Studijom izvodljivosti (30. 07. – 30. 09. 2004.);
- Prijedlog programa usvajanja zakona predviđenih Studijom izvodljivosti (30. 07. – 30. 09. 2004.) – tabela sadrži samo krajnji rok za usvajanje;
- Spisak usvojenih zakona na dan 20. 07. 2004. godine.

Članovi Komisije jednoglasno su podržali aktivnosti preduzete na pripremi materijala i jednoglasno usvojili pomenute materijale i uputili ih ka Domu naroda.

Ad. 8. Prijedlog kriterija za formiranje grupa za prijateljstvo

Članovima Komisije su distribuirani materijali: «Odluka o uspostavljanju grupa za saradnju i grupa prijateljstva Parlamentarne skupštine BiH i parlamenata drugih zemalja» i «Upitnik članovima Parlamentarne skupštine BiH za popunjavanje grupa za saradnju/za prijateljstvo sa parlamentima drugih zemalja», kako bi se mogli sa njima upoznati i eventualno dati svoje prijedloge za njihovo poboljšanje. Članovi Komisije su takođe odlučili da se pripremljeni materijali upute Kolegiju Doma naroda u formi radnog prijedloga.

Ad. 9. Tekuća pitanja

Rasprava nije vođena.

Predsjedavajući Komisije

Hasan Čengić